

ÆTERNI NUMINIS FAVORE AC GRATIA,
DISPUTATIO PHYSICA
DE
A N I M A L I,

QUAM

*Ex consensu & approbatione Amplissimæ Facultatis Phi-
losophicæ in Regia Academia Åboënsi;*

P R Ä S I D E

V I R O Reverendo & Praeclarissimo

D N . M . A N D R E A P E T R Æ O ,
Prof: Phys: celeberrimo & h. t. Decano Spe-
ctabili, Præceptore & Promotore maxi-
mè honorando,

*Pro Gradu & Privilegiis in Philosophia consequendis
examini publico modestè sifit*

A N D R E A S M . I G N A T I U S ,
S:æ R:æ M:æ Alumnus,

Ad diem 6. Decembris Anno 1673.

In Auditorio Majori

A B O Æ ,

Excusa à PETRO HANSONIO, Acad. Typogr.

BN. AD 100. 11. 11. 1373 V. C.
B. 10. 28. The 100. 11. 11. 1373
D. 100. 11. 11. 1373
E. 100. 11. 11. 1373
F. 100. 11. 11. 1373
G. 100. 11. 11. 1373
H. 100. 11. 11. 1373
I. 100. 11. 11. 1373
J. 100. 11. 11. 1373
K. 100. 11. 11. 1373
L. 100. 11. 11. 1373
M. 100. 11. 11. 1373
N. 100. 11. 11. 1373
O. 100. 11. 11. 1373
P. 100. 11. 11. 1373
Q. 100. 11. 11. 1373
R. 100. 11. 11. 1373
S. 100. 11. 11. 1373
T. 100. 11. 11. 1373
U. 100. 11. 11. 1373
V. 100. 11. 11. 1373
W. 100. 11. 11. 1373
X. 100. 11. 11. 1373
Y. 100. 11. 11. 1373
Z. 100. 11. 11. 1373

CLASSE.

卷之三

ECONOMY

セイヨウのTea and its Varieties

DM. MARY ELLIE MINTON 110, Fallo-
ron Ld., N.Y. 22-12-1868. I thank you for
your amore & considerate proprieit hand-
ards.

1870, the Canadian Society gave presents
to the people of Boston in memory of George
C. Ladd.

卷之三

卷之三

Proloqrium.



Rræclarè satis Fernelius: Si
ignis inventu admodum difficiles
esset, nobis quod ab extremis Ignos-
tis regionibus deferretur, illius
quidem vim & proprietatem ma-
gis quam cæterorum omnium,
omnes admirarentur, illius causas attentius scrutaren-
tur, illius quod multò magis, quām magnetis effectus, nos
in admirationem traherent. & superius: nunc quo-
niā vulgare est, parvog, parabile, contemtum præcide-
est, & nullo in pretio. Scilicet translatitium hoc
cætui mortalium est, ut quæ res primâ fronte sen-
sus & animum impellunt acerrimâ voluptate, eas
celeriter vel satietate fastidiamus, vel tædio la-
boris aspernemur. ita Poëta:

*Vilia sunt nobis quæcunque, prioribus annis
Vidimus, & sorbet quiequid spectavimus olim.*

Neque; hoc solūm in perlustrando naturæ regno
fidem veritatis vindicat: sed in conatu cætero, in
vitâ, in actionibus. Nemo proponit sibi, quid ve-
lit: nec, si proposuit, perseverat in eo, sed transilit:
nec tantum mutat, sed redit, & in ea, que deseruit
ac damnavit, revolvitur. Senec: Epist. 20. adeo

non æquâ lance momenta rerum expendimus, hebetiorq; in nostris, quam in alienis sensus est; ut nec virtuti, nec vicio, justa merces æstimationis, ipsâ comparatione accedat. Sed nè & ipse hâc judicij vicissitudine animadverendum censear. Animalis contemplatione occupavi animum. Vulgare satis argumentum, si, quām quotidie oculis nostris obversatur, suaq; nobis defert famulitia, & ipsi quoq; illud usq; circumferimus; tam ex facili in ejus notitiam atq; interiora penetrare valeamus. Cæterū, qvum etiam in humili casâ dīj sint, qvis tam à sensu hominum alienus, aut degener mundi incola, qvin in admirationem rapiatur & stuporem, qvum tantæ molis structuram, tam eximiam membrorum inter se competentiam, rerum tam diversarum ac alijs pugnantium, in constituendo corpore consensum & operas mutuas, nec minus illud supra omnem admirationis aleam possum, animæ ac corporis conjugium, oculorum fide arbitratus fuerit; ex quo corporis membra singulatim omnia, ac in universum singula, vitam, metum & vigorem accipiunt: dum anima se per totum corpus, ac singulas partes diffundit, eas fovet & excitat, ut objecta cognoscat, cognita appetat, appetita prosequatur. Hæc consi-

consideratio non solum abditos naturæ recessus
in brutis animantibus nobis pandit: sed etiam ad
nostræ cognitionem nos deducit, hactenus qui-
dem, ut in laudes creatori debitas solvamur, cu-
jus *invisibilia à creaturâ mundi*, per ea quæ facta sunt
invenientia, conspiciuntur: sempiterna quoq; virtus & di-
vinitas. Non enim sine testimonio reliquit semet ipse.
Hæc ergometa, Benevole Lector, hic scopus no-
stræ est intentionis; Tuum est, sicubi vitio, vel
ætatis vel ingenii, pro amplitudine ac dignita-
te argumenti voto non responderimus, imperi-
tiam nostram in hoc foro non ad calamita-
tem rei trahere: sed homini humanitus erro-
ris gratiam facere. Nobis, si cum tuo cando-
re paria facere non contigerit, integer apud te
illibatusq; manebit. Esto itaq;

IN NOMINE SACRO SANCTÆ AC INDIVIDUÆ TRI- NITATIS

THESES

I. *Animal est corpus animatum sentiens.*



Onceptum animalis non ad mundum,
spiritus, aut plantas extendimus, neq; ad sola
bruta coarctamus: sed ejus intelligimus,
de quo corpus animatum sentiens Essentialiter prædicari
potest.

II. *Partes habet Animal, animam sensitivam
& Corpus Organicum.*

Pro ut animal in sua essentiâ spectatur, duæ ejus deprehenduntur partes essentiam constituentes, forma & materia; illa nobilior & activa, animali essentiam & operationes animales largiens; hec ignobilior & passiva, formæq; animalis appropriatum subjectum est: utraq; illarum per unionem indivisibilem conjuncta, essentiam animalis absolvit.

III. *Anima sensitiva est forma animalis, quâ objecta sensibilia cognoscit, salutaria appetit, & locomovetur.*

Animæ cum corpore unitæ Effectus formales sunt, determinatio materiæ ad certam speciem, & totum, esse compositi animati; causales autem potentiaæ, facultates & operationes. De his, non illis loquitur definitio. Sunt autem facultates animæ sensitivæ tres, per quas anima in se indifferens, ad diversos actus determinatur. Hæ facultates Effecta sunt animæ per emanationem, ab invicem & ab animâ realiter distinctæ, hæc enim substantia, illæ accidentia seu aptitudinès & propensiones sunt, & ad secundam Speciem Qualitatis referuntur. Facultates vis animæ sunt, quam de se promit ad operationes edendas: Operationes vero actiones animæ, mediantebus facultatibus ab anima productæ, in corpore animato.

IV. *Facultas Cognoscens mediante certo corporis organo objecta sensibilia percipit & dijudicat.*

Efficiens sensationis primaria anima est; secundaria Spiritus & Organa, illi magis affines & proportionatis ipsi

ipsis potentiis, hæc propiora ac similiora objecto sensibili.
Sensile, vel per se & primo sensum afficit, diciturq; Proprium, quod ab uno sensu percipitur; ut color, sonus, odor, sapor &c. Quod verò plures sensus pariter mouet, commune audit; ut motus, quies, numerus, figura & magnitudo. Vel alterius, cum quo copulatum & conjunctum est, beneficio; ut substantiæ per qualitates sensibiles.

V. *Sensus Externi*, qui speciem ab objecto immediate producam in exteriore corporis parte recipiunt, & ad internos sensus transmittunt, sunt quinq;.

Horum nota Objectum proprium: Quale est, Visus lux & color, Organum, oculus: Auditus, sonus, organ: auris: Olfactus, odor, Organ: nares: Gustus, sapor, Organ: lingua: Tactus, qualitates tactiles, Organ: cutis si- ve membrana. Medium inter sensile & sensorium, æter & aqua non eodem modo simpliciter in omnibus sensibus necessarium. Hinc nullus in sensibus error si justa sit distantia, medium legitimum, Organum recte dispostum.

VI. *Sensatio*, recipiendo species spiritales seu intentionales: non verò materiales seu reales, fit.

Ad Gassendi placitum si loqui liberet, invertenda esset thesis, qui species omnes in reliquis, præter visum sensibus, rejicit: quia ipsa objecta cum suis qualitatibus, sensorio seu Organo admoventur. quod ratiociniū ut omnino non insuper habendum: ita ad sensū theseos intellegendum, ex veterum sententia hæc adjicimus. Notanda hic i. Varietas Objectorum, quædam enim qualitates materiæ ita sunt immersæ, ut ab eâ non emergant ut-

pote objectum tactus, quod nusquam sese extra materiam exserit, sed in materia latens se sensui oggerit; itemq; sapor. Species verò visibles à materia absolutæ sunt, & per longa etiam intervalla ad visum feruntur, eumq; afficiunt; eodem modo & sonus. inter has species quodammodo mediae sunt odorum, quæ non semper sine subiecto ad Organon Olfactus feruntur, nec cum corpore odorato integro, sed in quibusdam ~~ārōpōlais~~ quas emittunt corpora odorata; quæquidem ipsæ non sunt Odores, cum iis tamen Species odorabiles in loca distantia transferuntur.

2. intellige Species qualitatum manifestarum, non occultarum.

VII. *Sensus interni Speciem per sensus exter-
nos allatam in cranio recipiunt, censem & dijudicant;
Suntq; Sensus communis & Phantasia.*

Ministra phantasie Memoria, è sensuum numero excluditur, quæ cognitioni saltem servit, non autem ipsa cognoscit: Species nempe receptas & dijudicatas retinet ac conservat. Hinc ordo inter sensus talis observatur: Sensus communis omnes externorum Species recipit, Sensilia propria cum à se invicem, tum à communibus discernit, differentias sensilium cognoscit, præstatq; ut animal istas percipiat, perceptas phantasie offert. Hæc diutius illa retinet & diligentius examinat, depurat, ac in naturam phantasmatis convertit, juxta quod alias Species nunc addendo, nunc subtrahendo, pro placito noviter producit.

VIII. *Sensus communis, sensuum externorum ac
loco motivæ, affectiones sunt, Somnus & Vigilia.*

Spiritus animales, sensus motq; instrumenta, uti suâ in

in organis præsentia seosum operationes, motumq; præstant; ita eorundem influxus causâ naturali impeditus, cessationem ac somnum infert. ac quemadmodum per motum & sensuum operationes multum Spirituum absuntur, ita per quietem & somnum iidem instaurantur ac redintegrantur, ut ad quodvis agendum animal sit aptius & alacrius.

IX. *Phantasiae præcipue affectus Somnium est.*

E phantasmatisbus, quæ producit, novas alias atq; alias Species pro lubitu effingit phantasia, ut dictum superius, hinc materia somniorum *Vel* sunt imagines interdu conceptæ, ac sensibus internis à Speciebus sensibilium externorum impressæ, quæ somnia animalia dicuntur, unde illud Claudiani : *Omnia qua sensu volvuntur vota diurno &c. Vel* humores & temperamentum, aliæq; causæ incorpore latentes, & somnia naturalia vocantur ; Sic, qui sanguinis evacuatione ob plenitudinem egebat, stare sibi in cisternâ sanguine plena videbatur. qui cruris paralysi correptus est, illud sibi, paulo ante, lapideum evasisse somniavit. Temperamentorum intuitu Somnia Naturalia dicuntur Sanguinea, de rebus lœtis ; Cholerica de rebus vehementibus ac impetuosis ; Phlegmatica de gravibus & molestis ; Melancohlica de tristibus ac formidolosis.

X. *Facultate appetente animal ad bonum sensu perceptum inclinat.*

Postquam phantasia rem objectam percepit, deinde attentius & accuratius an commoda sit & grata, vel noxia & ingrata cognovit; movet appetitum rem gratam &

& delectabilem ad apprehendendum, noxiā vero ad fugiendum, cuius tanquam actus sunt passiones, affectus appellati.

XI. *Affectus sunt passiones appetitus sensitivi, ortae in corde ob notitiam objecti à phantasia monstrati, ut illud prosequamur aut fugiamus: Suntq; facultatis concupisibilis vel irascibilis.*

Proximum affectuum subjectum cor est, quod cum viscus sit calidissimum & assiduâ agitatione præditum, motus illos per sui efficit agitationem, arteriarumq; & ferventis ac spirituosi sanguinis, qvo spiritus vitalis è corde distribuitur; unde pro statu rerum, spiritibus nunc ad superficiem exteriorem procurrentibus, nunc ad interiora se recipientibus, afficitur corpus. Cum autem appetitus circa suum objectum vel immediate versetur & simpliciter, vel mediata, propulsando sc. adversa, & quicquid nos à boni conseqvutione prohibere videtur; hinc nata est divisio in facultatem concupisibilem & irascibilem. Illa in bono versatur delectabili, hæc in difficultate: ad illam pertinent, amor, desiderium, lætitia, os dium, aversatio, tristitia; ad hanc, spes, desperatio, audacia, metus, ira.

XII. *Facultate loco movente animal de loco in locum fertur, ad Objectum prosequendum vel fugiendum.*

Facultas hæc ministra & exsequens est. frustra proponeret Cognoscens, imperium pariter Appetentis frustra esset, nisi exsequeretur loco movens. hæc facultas motrix, omnibus totius corporis muscularis insita, eos, qui-

quibus opus est, musculos contrahit: musculi contracti tendines attrahunt, tendines attracti ossa: deniq; ossibus motis membrum vel totum corpus de loco in locum transfertur.

XIII. *Corpus Animalis est Subjectum animæ sensitivæ, eleganter & artificiose ad varias operationes edendas constructum.*

Corpus hic in modum partis sumitur, non in modum totius, quod subjectum animæ informationis est, quæ pro diversitate operationū, diversa requirit Organa, non enim videt animal pede, nec ambulat auribus. Præclare Erasmus: ut mulier eadem in officinâ aulæorum est textrix, in tabernâ corundem venditrix, in culinâ coqua, in cubiculo uxor, inter liberos mater, inter famulas & ancillas domina; sic etiam laboriosissima anima, in diversis partibus diversa obit munia, & accuratè suas operas in certa partitur Organa...

XIV. *Partes animalis sunt Contentæ vel continentes.*

Spectavimus animal ut totum Essentialie, jam paucis videndum ut totum integrale. Partes igitur hic omnes quantæ & extra se invicem, quedam contenta, ut Spiritus & humores; quadam continentes, ut partes similares & dissimilares. Illæ ad partium nutritionem & Conservationem faciunt; sine his Corpus omnino mutilum & mancum est. Nota Contenti Vocabulum sumi nunc latius, nunc strictius, isto modo pars Contenta Spiritus & humores sunt; hoc, à contentis i.e. humoribus, Spiritus seu impetum facientes distinguuntur. Licet enim Spiritus & humores partibus corporis continetur, longè tamen aliter san-

gvis, quam Spiritus per sua conceptacula influunt. Hi enim non tantū à vasis suis continentur, sed etiam omnia corporis membra splendent ab his & impletur. Schenkius. *Continentium* pariter est differentia; quædam vasa propria singulis contentis, ut nervi, arteriæ, venæ. Quædam communia, ut partes dissimilares & membra corporis reliqua.

XV. *Spiritus & humor insitus calidum innatum dicitur.*

Calidum innatum substantia corporea est, per omnes corporis partes extensa & diffusa, proximumq; animæ subjectum & domicilium; qvod simul humidum primigenium, insito Spiritu & calore undiq; perfusum, à Fernelio dicitur. cum enim calor (Clarisi. Sennertus) quasi gubernator vitæ nostræ esse debeat, spirituosa tantum substantia, quæ per se valde mobilis est & dissipabilis, minimè sufficiebat, sed ut vita diutius protrahi posset, in humido stabili ac permanente ipsum consistere oportebat; humido videlicet non tenui & aqveo, sed pingvi & oleoso, qvod partium similarium staminibus & fibris infernum est, humidumq; radicale appellatur. Hoc calidum innatum præcipuum etiam animæ organon est, quo omnes vitæ actiones obit, & qvicq; salutare in nobis & utile, in generatione, nutritione, morborumq; expulsione perficitur, exsequitur. Cumq; humidum hoc velut oleum à flammâ, ab insito calore identidem absumatur, humido tandem plane absunto, ipse etiam calor, cum, quo se sustentet, non habeat, extinguitur, & mors naturalis sequitur.

XVI. *Spiritus influens, qvina naturalis vitalis & animalis, animæ cum insito vinculum est, actionumq; edendarum præcipuum instrumentum.*

Qvan-

Qvanqva singulæ ac universæ corporis partes (*laudatus Sennertus*) suum habeant calidum innatum: non tamen id solum ad omnes actiones perficiendas sufficit, sed calido & Spiritu aliunde affluente à qvo excitetur & foveatur, opus habet. Per se enim ad functiones obeundas invalidū est, & facile languescit, adeoq; dissipatur & evanescit, nisi assidue à partium principum, cordis præcipue, calore & Spiritu excitetur, vegetetur, instauretur atq; perficiatur. Cum singularum itaq; partium calido innato junctus Spiritus influens, facit ut facultates, & potentiae ad actum secundum accedere possint. Qvia tamen alimentum, qvo restauratur humidū radicale primigeniū, sinceritate ab illo recedit, virium tandem defectio ac moriendi necessitas impendet. Quid a. Spiritus naturalis, vitalis & animalis sint, haud facile quis edisserit. Moebius, Spiritū naturalem aut idem cum vitali contendit, aut prorsus esse nullum. Si enim (ut ex Pecqveto demonstratae Bartholino) Chylus omnis à venis lacteis per thoracem, ad axillarem sinistram, indeq; ad ipsum cor ferretur, quod sanguinem è Chylo adducto conficiet, Spiritumq; vitalem ad omnes partes pro nutritione & actionibus vitalibus distribuet; nec sanguinis officina hepatis relinqueretur, nec spiritus naturalis à vitali diversus. Interim ex privata informatione *VIRI tum multæ eruditionis, tum experientia* sic teneo: ut primarium officium efficiendi sanguinis cordi merito concedendum; ita non nullum etiam hepatis tribuendum & conseqventer Spiritus etiam naturalis effectio. Teste enim *αυτοψίᾳ*, quædam venarum lacticarū in ipsam hepatis substantiā inseruntur. sicq; Spiritum naturalem ad hepar & venas. Vitalem ad cor & arterias, animalem ad cerebrum & nervos, referimus.

XVII. *Humor acquisitus sanguis est, qui pars
suum heterogenea, unde semen & lac.*

Sangvis in totum corpus distributus, & si unicâ formâ contineatur, ac totus alendo corpori utilis sit: ejus tamen partes non sunt planè similes, sed aliæ temperatæ, qvæ in Specie sangvis appellantur; aliæ calidiores & sicciores, qvæ biliosus seu cholericus; aliæ frigidiores & humidiiores, qvæ sangvis pituitosus seu phlegmaticus; aliæ frigidiores & sicciores qvæ sangvis melancholicus nominantur. Ita veteres. Recentiores nullam in sanguine fano pituitam inveniri afferentes, Choleram aut melancholiā; sanguinis partes integrantes, ac in nutritionem diversimode abeuntes, fibrosas, terrestres, sulphureas sive oleosas & pingves statuunt. Sangvinis pars optima à toto corpore ad testes transmittitur, atq; ab iis in unam naturam seu corpus album, spumosum ac spiritibus referatum redigitur, qvod semen nominatur, calorisq; & spirituum in toto corpore quasi compendium est. Lac è sanguine pingviori (alii, ducto argumento à substantia, qvætitate, qualitate & tempore, è chylo) à carne glandulosâ mammarum formatur, ac alendo fœtui dicatum est.

IXXX. *Partes similares nominis & naturæ con-
venientiam inter se & cum toto habent.*

Duplex in partibus similaribus deprehenditur convenientia: ut in dissimilaribus duplex diversitas. sic qvævis pars ossis, est & dicitur os, non quævis pars pedis, pes. Similares partes non in alias specie differentes possunt resolvi, at dissimilares ex iis componuntur. Qvædam tamen similarium non omni partium carent diversitate, licet primo intuitu eandem obferant naturam, ut venæ, arteriæ,

riæ, nervi, quorum substantiæ fibræ & membranæ iatres textæ sunt, quas non reperimus in cuticulâ aut membranâ. Hinc divisio partium similarium in primas & secundas. hæ enim si non univocè, saltem analogicè ad partes similares referuntur..

XIX. *Partes dissimilares ventres & artus Con-* *stituant.*

Partes dissimilares ex similaribus componuntur, quædam magis, quædam minus, prout cujusq; requirit natura ac conditio. Unde Galenus quatuor organorum statuit ordines; *Primus* habet organa, quæ ex solis similaribus constant, ut musculi. *Secundus*, quæ ex primis organis coagmentantur, ut digiti. *Tertius*, quæ ex secundis, ut manus. *Quartus*, quæ ex tertijs, ut brachium, ad quartum hunc ordinem ventres & artus referuntur. Unde & definitur *Venter*, pars dissimilariſ maxima cavitatem habens insignem, in quâ viscus aliquod primarium reconditum. Cujusmodi in animali reperiuntur tres; *Caput* facultatis animalis sedes, in quo cerebrum cum reliquis partibus animalibus suum habet situm. *Thorax*, facultatis vitalis sedes, ubi cor cum reliquis partibus vitalibus habitat: *Abdomen*, facultatis naturalis sedes, in quo hepar cum reliquis partibus naturalibus est. *Artus* item partes dissimilares maxime sunt & extrema, trunco adnatae, ut manus & pedes.

XX. *Species animalis univocæ sunt, homo & brutum.*

Spectavimus animal quod ad partes Essentialis & integrales; ultimò tandem in partibus subjectivis illud concludamus. Illæ dictæ species, homo & brutum sunt; univocæ

vocæ quidem: quia de conceptu generico nullâ invicem dependentiâ participant, quarum illa animal rationale, hoc irrationale audit; Illa Species Specialissima, hæc Species Subalterna, & gressile, volatile, natatile, reptile sub se habet, quæ singulæ Species penè innumeræ.

Psalm. 148. 7.

Laudate Dominum de terrâ, dracones & omnes abyssi. v. 10. bestiæ, & universa pecora, serpentes & volucres pennatae. Reges terræ: & omnes populi, principes, omnes judices terræ: juvenes & virgines, senes cum junioribus: laudent nomen Domini.

H A L L E L U - J A.

Eruditione solidâ, ac Conspicuâ integritate Morum Juveni Perextremo, Dn. ANDREÆ IGNATIO Wiburgensi, Philosophie Candidato meritissimo, Specimine publico de ANIMALIBUS, nervosè differenti.

I Neptus eruditionis arbiter,
Amænitatis oscitans
Egensq; mentis æstimator entheæ;
Anhelus æstuat quibus
In ore fumido nimis loquax tumor,
Vafræ fluentis indidem
Inertia scatens celerq; faminis
Lepor; levis superbiæ,
Et elegantiz nothæ Sidonia
Cyclas, nitensq; bombyces;
Manus pedesq; moris histriionii
Habentibus peritiam
Perinclitos: scientiaq; gloria,
Togâq; fert, brabeutica,
Merenter ante cæteros præaffici.
Reus quidem nec habet,
Iniquitatæ ac doli nimis vafræ,
Placentis huicq; seculo,

Amænitatis eruditæ literas,
Scientiaq; corculum!
Seges loqvacitatis ista turgidæ
Nec illicit, nec allubet
Tibilepôr dolosus, & superbæ
Palam corusea scientia
Ineptia; at meræ cupido gloriæ
Pii probiq; nominis.
Favente providentia, perennitas
Tuo futura nomini
Manebit æviterna, laudibus tumetis
Feracioribus; decor,
Honestiore præmio juvabitur
Laboris improbi, Tunc:
Parentibus soloq; patrio clues
Perenne pignus & decus!

Hæc Προσφωνήσει σχεδιασμη
Amico gratulabatur

PETRUS LAURBECCHIUS,
Poët. Prof. Public.